

Nigheannan rìgh a bh'ann 's chaidh an cur fo gheasaibh 's bha crodh aca air chall.

[Floraidh: Sin agad a'chomhchag.]

'S e, a'chomhchag. Na h-igheannan, dh'fhalbh iad 's chaidh - c'ainm a th' agaibh air - bana-bhuidseachd, agus bha iad a'falbh. Dh'fhàs na h-igheannan a bha seo 'nan comhchagan agus bhiodh iad ag éibheachd,

'Am faca tu an crodh maol odhar?'

'Chan fhaca 's chan fhaigh'.

'S bha iad a'gràdhainn gur e sin a'chomhchag gus an latha an diugh - gur e nigheannan a chaidh a chur fo gheasaibh, nigheannan rìgh. Tha iad a'coimhead airson crodh maol odhar 's gun iad 'gam faighinn. Agus dh'fhoighneachdadh an dala té ris an té eile.

'Am faca tu an crodh maol odhar?'

'Chan fhaca 's chan fhaigh'.

Sin agad. Cluinnidh tu na comhchagan's na 'hù-hù, hù-hù' aca.

Shin agaibh na's urainn dhomhs' idir - a chuala mise guth mun deidhinn